

Asunto: Notificación de resolución
Data:
Destinatario: Concello de Fornelos de Montes Praza da Igrexia 1 36847 Fornelos de Montes Pontevedra

Clave: DH.W36.92726
Expediente: Solicitud de autorización de obras para rehabilitación das instalacións municipais adicadas a piscina, no lugar de Fondo da Vila parroquia de Fornelos de Montes (San Lourenzo), no concello de Fornelos de Montes, (Pontevedra).
Solicitante: Concello de Fornelos de Montes
Asunto: Resolución

Pola presente, notifícaselle a Resolución da Dirección de Augas de Galicia, que literalmente di:

Antecedentes

1. Con data 19/04/2023, o Concello de Fornelos de Montes, presenta na Zona Hidrográfica Galicia Sur a solicitude de autorización das obras descritas na cabeceira.
2. O expediente tramitouse sen información pública por tratarse de obras de escasa importancia sen afección a terceiros.
3. O expediente tramitouse sen informe do equipo de gardería por considerar que as distancias de 84 e 91 m respectivamente dos leitos do Rego do Porto das Vacas (IDCURSO=1003796258) e Innominado (IDCURSO=983610001814) que figuran no visor oficial SIX IDE DHGC representan unha escasa afección ao dominio público hidráulico.



4. Con data 08/05/2023, o enxeñeiro do Servizo Territorial de Augas de Galicia emitiu informe favorable ao solicitado.

Fundamentos de dereito

Primeiro.- Competencia para resolver

- Lei 9/2010, de 4 de novembro, de Augas de Galicia
- Decreto 32/2012 do 12 de xaneiro, polo que se aproba o Estatuto de Augas de Galicia.

Segundo.- Lexislación aplicable:

- Lei 39/2015, do 01 de outubro, do Procedemento administrativo común das administracións públicas
- Texto refundido da Lei de augas, aprobado por Real decreto legislativo 1/2001, do 20 de xullo (TRLA)
- Regulamento do dominio público hidráulico, aprobado polo Real decreto 849/1986, do 11 de abril (RDPH)

Terceiro.- Artigos de aplicación específica:

- TRLA: Artigo 2 (definición de dominio público hidráulico), Artigo 6 (zonas de afección nas marxes)
- RDPH: Artigo 78 (execución de obras en zona de policía de leitos)

De acordo con todo o exposto, a xefatura do Servizo Territorial, PROPÓN:

Autorizar, a Concello de Fornelos de Montes, co NIF P3601900H, as obras de rehabilitación das instalacións municipais adicadas a piscina, no lugar de Fondo da Vila parroquia de Fornelos de Montes (San Lourenzo), no concello de Fornelos de Montes, (Pontevedra).

Esta autorización axustarase ao disposto pola Lei de augas e polo Regulamento do dominio público hidráulico, ademais do cumprimento das seguintes condicións:

Xerais

1. As obras que se autorizan son as que se definen na documentación técnica que consta no expediente da clave referida, en canto non resulten modificadas polas presentes condicións.



2. Outórgase esta autorización sen prexuízo de terceiro e salvando o dereito de propiedade, coa obriga de executar as obras conservando as servidumes legais existentes.
3. Toda modificación das características da presente autorización requirirá a previa aprobación de Augas de Galicia.
4. A inspección e vixilancia das obras, tanto durante a súa construción como no período de explotación, estarán a cargo de Augas de Galicia, sendo por conta do beneficiario as remuneracións e gastos que por ditos conceptos se orixinen, segundo as disposicións vixentes.
5. Esta autorización queda suxeita ás disposicións vixentes, ou que no sucesivo se ditén, relativas a contratos e accidentes de traballo e demais de carácter social, así como en xeral ao cumprimento das disposicións vixentes en materia de pesca fluvial e ás prescricións específicas que lle sinale o ente competente en materia de calidade medio-ambiental, ante o que responderá do seu cumprimento.
6. O titular da autorización será responsable de cantos danos e perdas poidan ocasionarse a intereses públicos ou privados como consecuencia das obras que se autorizan, quedando obrigado á súa indemnización e a realizar os traballos que a administración lle ordene para a extracción dos cascallos vertidos ó leito durante a execución das mencionadas obras.
Será tamén responsable da conservación en bo estado das obras e instalacións que se autorizan.
7. Esta autorización poderá ser revogada polo incumprimento de calquera das súas condicións e nos casos previstos nas leis, declarándose a revogación por resolución motivada de Augas de Galicia, quen poderá adoptar as medidas que considere necesarias para garantir as condicións normais de desaugue e o respecto ás servidumes legais.
8. Esta autorización é independente de todas aquelas que, en virtude das disposicións legais vixentes, teñan que ser outorgadas por outros organismos ou administracións, e, en particular, da licenza municipal de obras.



Particulares

1. As obras **serán o proxecto de "REHABILITACIÓN DAS INTALACIÓNS MUNICIPAIS DEDICADAS A PISCINAS. Actuacións de tipo 1. PON2030"**, en canto non resulten modificadas polas presentes condicións, consistentes na substitución e acondicionamento de tódolos peches interiores e exteriores existentes, substitución dos pavimentos, reparación de gretas e substitución de equipos de piscinas e máis acondicionamento e melloras nas instalacións eléctricas, de fontanaría, rega e saneamento, en parcela de referencia catastral 36019A018005000001RH, en zona de policía e a unha distancia de 84 e 91 m respectivamente dos leitos do Rego do Porto das Vacas (IDCURSO=1003796258) e Innominado (IDCURSO=983610001814), na parroquia de San Lourenzo, concello de Fornelos de Montes.
2. Evitarase o toldamento das augas pola demolición de materiais ou operacións complementarias que teñan lugar nas proximidades do leito do río.
3. Prohibirase a corta ou destrución da vexetación arbustiva ou arbórea de ribeira, agás que conte con autorización específica para estes traballos.
4. Deixarase en todo momento expedita a zona de servidume para uso público, consistente nunha banda de 5 m de ancho, medidos a partir do bordo ocupado polas augas nas máximas enchentes ordinarias.
5. Durante a fase de construción extremaranse as precaucións coa retirada de todo tipo de cascallos e material de refugallo das marxes, co obxecto de reducir posibles alteracións na calidade da auga circulante ou na capacidade hidráulica da canle.
De xeito especial, prohibese expresamente verter no propio leito do río restos de formigón ou cemento, ou lavar materiais ou ferramenta que estiveran en contacto con eles, así como cambio de aceite de maquinaria de construción.
Non se depositarán na zona de servidume nin en lugares próximos ningún tipo de material que poida incorporarse ao río por escorrentas ou cheas.
Os residuos xerados durante a construción terán que ser trasladados a vertedoiro de residuos de construción autorizado.
6. Una vez rematadas as obras ou durante a súa execución, en todas aquelas zonas que dalgún xeito sufrisen unha degradación (tránsito de maquinaria pola zona de policía) procederase á súa rehabilitación, descontaminando a terra e, se for preciso, aportando terra vexetal, sementando, plantando, etc. ata conseguir a súa situación primitiva.



7. O prazo para a realización das obras é de vinte e catro (24) meses, contado a partir do día seguinte da recepción desta resolución. Finalizado este prazo extinguirase a validez da autorización, salvo que se solicite e obteña unha prórroga antes do esgotamento do prazo.
8. Rematadas as obras, comunicaráselle a Augas de Galicia, que procederá ao seu recoñecemento final nos casos en que considere oportuno.

Vigo, o xefe do Servizo Territorial da Zona Hidrográfica Galicia-Sur, P.S. (Resoluc. da dirección de Augas de Galicia do 27/06/2022) O xefe do Servizo Territorial da Zona Hidrográfica Galicia-Centro - Jesús Antonio Manrique Merino (Sinatura dixital)

Visto o exposto, a Subdirección Xeral de Xestión do Dominio Público Hidráulico, de conformidade co establecido no Artigo 19 do Decreto 32/2012, do 12 de xaneiro, polo que se aproba o Estatuto de Augas de Galicia, eleva á Dirección de Augas de Galicia a proposta de resolución relativa á Autorización a Concello de Fornelos de Montes, co NIF P3601900H.

Santiago de Compostela – o subdirector xeral de Xestión do Dominio Público Hidráulico - Roberto Arias Sánchez (Sinatura dixital)

De conformidade co artigo 15.3 da Lei 9/2010, do 4 de novembro de Augas de Galicia, RESOLVO OUTORGAR a autorización a Concello de Fornelos de Montes, co NIF P3601900H.

Contra esta resolución, que non esgota a vía administrativa, poderá interpor recurso de alzada ante a presidencia de Augas de Galicia no prazo DUN (1) MES a contar dende o día seguinte á súa notificación, de conformidade cos artigos 121 e 122 da Lei 39/2015, do 01 de outubro, do Procedemento Administrativo Común das Administracións Públicas. Para o suposto de ser un suxeito obrigado a relacionarse a través de medios electrónicos coas Administracións Públicas ou de optar por este medio, o recurso deberá ser interposto a través da sede electrónica da Xunta de Galicia (<https://sede.xunta.gal/portada>) empregando o formulario normalizado dispoñible (IF321D - <https://sede.xunta.gal/detalle-procedemento?codtram=IF321D&ano=2020&numpub=1&lang=gl>).

Santiago de Compostela, a directora de Augas de Galicia –Teresa María Gutiérrez López (Sinatura dixital)

Os datos persoais que puidera conter este documento serán tratados de acordo coa Lei Orgánica 3/2018, de 5 de decembro, de Protección de Datos Personales y garantía de los derechos digitales, e encóntranse recollidos nun ficheiro debidamente inscrito na AEPD, responsabilidade de Augas de Galicia, coa exclusiva finalidade da tramitación e xestión do presente procedemento. Só se procederá á cesión naqueles casos explicitamente considerados na lei. Quedan recoñecidos os dereitos de acceso, rectificación, cancelación e oposición dos seus datos de carácter persoal, que poderán solicitar por escrito a Augas de Galicia, Praza Camilo Díaz Baliño 7-9, 15704 Santiago de Compostela ou mediante o envío dun correo electrónico a lopd.augas@xunta.gal

